

## Script of Mid-Day Dogri News Bulletin 30 August 2026

समे – 12:25 hrs.

<><><><><><>

### PM-MKB

प्रधानमंत्री नरेन्द्र मोदी होरें आखेआ ऐ जे नशा मुक्त युवा फार विकसित भारत अभियान, मुख्य भरै च तेज रफ्तार फगड़ा करदा ऐ। अज्ज आकाशवाणी पर अपने मन की बात कार्यक्रम दे राहें देश-बदेश दे लोकें कन्नै बचार सांझे करदे होई श्री मोदी होरें खुशी जाह करदे होई आखेआ जे नौजवानें ते समूलचे भारत गी नशे शा मुक्त बनाने दे लक्ष्य आहला एह अभियान कोई औपचारिकता नेई ऐ कीजे बड़ी बद्ध गिनतरी च नौजवान एहदे कन्नै जुडा करदे न। महिला सशक्तिकरण बारे गल्ल करदे होई प्रधानमंत्री होरें पीएम स्वनिधि योजना दा टकोहदे तौर उप्पर जिक्र कीता। उंनै आखेआ जे पीएम स्वनिधि योजना दे लाभार्थिं च तकरीबन 46 फीसद महिलां न। उंनै आखेआ जे मुख्य भरै च तकरीबन 35 लकख महिलां इस योजना कन्नै जुड़ियै अपने कारोबार दा विस्तार करा'रदिआं न। श्री मोदी होरें अपने अज्जै दे मन की बात कार्यक्रमै च स्वच्छता दा बी चेचे तौर पर जिक्र कीता ते आखेआ जे जिसलै कुसै थाहै गी साफ बनाने दा धेड़या लोकें दा अपना सांझा संकल्प बनी जा, उसलै उस थाहै दी पन्छान पूरी चाल्ली बदली जंदी ऐ। उंनै उत्तर प्रदेश दे रौहने आहले आकाश ते रोहन नांs दे नौजवानें दा जिक्र बी कीता जेहड़े पटवाई गां च दरेया दे घाटें सने केई सार्वजनिक थाहें दी सफाई लेई होरनें गी प्रेरित करा'रदे न। प्रधानमंत्री होरें इस सरबंधे च हाल च संपन्न होई दी श्री अमरनाथ जी दी जातरा बारे बी बचार सांझे कीते ते आखेआ जे इस जातरा दुरान 400

टन शा मते कचरे गी कठेरियै ओहदा निपटान कीता गेआ ऐ। श्री मोदी होरें देसै दिएं धीएं आसेआ कीती जा'रदी मिशन शक्ति सैट नांs दी पैहलकदमी दा बी जिक्र कीता ते दस्सेआ जे एहदे राहें 108 मुखें दिएं 12 ज्हरां शा मती छात्राएं गी सैटेलाईट टेक्नोलाजी दे खेतर च सिखलाई दा मौका हासल होआ करदा ऐ। श्री मोदी होरें औने आहली ध्यारी रूतें दरान देशवासियें गी वोकल फार लोकल दे मंतर दा चेत्ता दोआंदे होई आखेआ जे असे'गी उयै उत्पाद खरीदने चाहिदे न जिने'गी बनाने च कुसै भारतवासी दी मेहनत लग्गी दी होऐ। उ'ने आखेआ जे वोकल फा'र लोकल दा मतलब छड़ा मिट्टी दे दीये खरीदने धोड़ी गै सीमित नेई ऐ सगुआं एहदे पिच्छे इक बड़ा बड़ा ते व्यापक नजरिया ऐ। प्रधानमंत्री होरें आखेआ जे आत्मनिर्भर बनने दी बत, भारत च बने दे उत्पादें गी खरीदने च थोने आहली गर्व दी भावना कन्ने गै पदरी होई सकदी ऐ।

<><><><><><>

### Jitendra-PMGSY

पिछले 12एं ब'रें दरान उधमपुर-कठुआ-डोडा संसदीय हल्के गी सर्वोच्च प्राथमिकता देने लेई प्रधानमंत्री नरेंद्र मोदी हुंदा धन्नवाद करदे होई केंद्री मंत्री डा. जितेंद्र सिंह होरें आखेआ जे पी.एम.जी.एस.वाई दिएं ताजा परियोजनाएं दा पैमाना मुश्कल प्हाड़ी इलाकें दे हर इक कोने च, हर मौसम च शिड़कें गी पजाने दी सरकार दी बचनबद्धता गी दर्शादा ऐ। डा. सिंह होर 2026-27 ब'रे दे पी.एम.जी.एस.वाई-4 बैच-1 दे तैहत उधमपुर-कठुआ-डोडा-किश्तवाड़ खिते दे बक्ख-बक्ख हिस्सें गी कवर करने आहली 110 शिड़क परियोजनाएं दा नींह पत्थर रखने मगरा

बोला'रदे हे। तकरीबन 1 जहार 503 करोड़ 53 लक्ख रुपे दी लागत कन्नै मंजूर कीती गेदी  
इनें परियोजनाएं दी कुल लम्बाई 598 किलोमीटर 450 मीटर ऐ।

<><><><><><>

#### Chhatroo-Case

कांग्रेस दे सीनियर लीडर ते साबका मंत्री गुलाम मोहम्मद सरूरी होरें उपराज्यपाल मनोज  
सिन्हा हुंदा धन्नवाद कीता ऐ जे उनें छातरू मामले गी विशेष जांच लेई क्राइम ब्रांच गी  
सौंपने दा बंदोबस्त कीता ऐ। सरूरी होरें आखेआ जे उपराज्यपाल होरें एहदे शा पैहले निजी  
तौर पर उनेंगी फोन कीता हा ते भरोसा दोआया हा जे पीड़ित दे परोआर ते मुकामी बसनीकें  
दिएं चिंताएं गी दिक्खदे होई इस मामले गी क्राइम ब्रांच गी सौंपी दिता जाहग। सरूरी होरें मेद  
प्रगट कीती जे एह जांच पारदर्शी, पेशेवर ते समेबद्ध तरीके कन्नै कीती जाहग ते एहदे लेई  
कसूरवार लोके गी कन्नू मताबक सजा दिती जाहग। मीडिया कन्नै गल्ल करदे होई साबका  
मंत्री सरूरी होरें आखेआ .

<><><><><><>

#### IFFJK-Prep.

श्रीनगर, जम्मू ते गुलमर्ग च 7 सितंबर कोला लेइयै 10 सितंबर धोड़ी आयोजित कीते जा'रदे  
जम्मू-कश्मीर दे पैहले-पैहले अंतरराष्ट्री फिल्म उत्सव-2026 लेई लोड़चदी सब्बै तैयारियां करी  
लैतियां गेदियां न तां जे इस आयोजन गी पूरी चाल्ली बवस्था आहले ढंगै सिर तोढ़ चाढ़ेआ

जाई सकै। 4 दिनें दे इस फिल्मोत्सव च 41 बकख-बकख मुखें दियां फिल्मां दस्सियां जाडन। फिल्मोत्सव गी दिलचस्प ते यादगार बनाने लेई केई गतिविधिएं गी बी एहदे च शामिल कीता गेदा ऐ जिंदे च रातीं'लै फिल्म स्क्रीनिंग दी बवस्था, फ्लोटिंग सिनेमा ते बड्डी धाम जनेए आयोजन बी शामिल न। आयोजन दी कामयाबी लेई सुरक्षा, ट्रैफिक प्रबंधन, बिजली-पानी, आयोजकें बश्कार तालमेल ते लोड़चदी हर बरीकी पर ध्यान दिता जा'रदा ऐ। बाहरा औने आहले परोहनें लेई मैहकमे जम्मू-कश्मीर दे सैलसफा, दस्तकारिएं ते सांस्कृतिक विरासत गी बढ़ावा देने लेई बकख-बकख तरीकाकार पर कम्म करा'रदे न।

<><><><><><>

## UG Adm Phase-2

जम्मू-कश्मीर दे उच्च शिक्षा विभाग नै केंद्र शासित प्रदेश दे सरकारी डिग्री कालेज च 2026-27 आहले शैक्षणिक बरें गितै अंडर ग्रेजुएट यानि बी.ए तगर दे कोर्सें च दाखले लेई दुए गेड़ दी दाखला प्रक्रिया बारै अधिसूचना जारी कीती ऐ। एह दाखला उनें विद्यार्थिएं लेई खुल्ला ऐ जिनें 12मीं जमात बतौर प्राइवेट मेदवार या 2026 दे सप्लीमेंटरी पेपर लेइयै पास कीती ऐ ते मानता हासल शिक्षा बोर्ड आसेआ उंदे नतीजे घोशित कीते गेदे न। एह दाखले केंद्रीकृत दाखला पोर्टल [jkadmissions.in](http://jkadmissions.in) व्यक्तिगता तौर पर काउंसलिंग राएं ते सिद्धे जाइयै दाखला लैने यानी वाक इन एडमिशन लैने आहली प्रक्रिया राएं कराए जाई सकदे न। नमें आवेदकें गी 200 रपे दी फीस भरनी होग जेड़ी वापस नेई होग। दुए गेड़ दे दाखले दी एह प्रक्रिया 10 सितंबर 2026

गी खत्म होई जाहंगं मेदवारें गी सलाह दिती जंदी ऐ जे ओह् समें सीमा ते तरीकें दा चेचे  
तौरा पर ध्यान रक्खन।

